



www.saujana.sg

## SIRI MARI DENGAR CERITA : TAMATNYA SATU BENCANA

---

GRAM BRING UP THEME MUSIC.....UNDER.....FOR.....

NARRATOR 1) Siri Mari Dengar Cerita. Cerita kita kali ini bertajuk 'Tamatnya Satu Bencana'

GRAM BRING UP..... UNDER .....FADE OUT.

NARRATOR 2) Murid-rnurid mungkin kamu pernah membaca atau mendengar berita keberanian dua orang kanak-kanak adik beradik yang telah menyelamatkan negara kita daripada ditimpa bencana. Kedua-dua kanak-kanak itu bernama Nadimah dan Sahlan. Kepintaran dan keberanian mereka berdua juga telah menyelamatkan ramai orang terkorban dalam bencana itu. Pada minggu lalu, saya sempat menemui mereka. Mereka telah menceritakan peristiwa yang pahit itu kepada saya. Sekarang mahukah kamu mendengar cerita mereka itu? Jika demikian, ikutilah cerita yang saya beri tajuk, 'Tamatnya Satu Bencana' ini:

GRAM BRING UP MUSIC..... UNDER .....FADE OUT.

NARRATOR 3) Pada suatu hari, Nadimah dan adiknya Sahlan pergi ke Pusat Sains di Jurong. Mereka pergi ke sana kerana hendak menyaksikan batu-batu dan tumbuh-tumbuhan dari planet Marikh yang dipamerkan di situ. Bahan-bahan pameran itu telah dipinjamkan oleh sebuah negara sahabat untuk tontonan penduduk Singapura.

- SAHLAN 4) Sungguh menakjubkan! Lihat kak... batu-batu dari planet marikh ini berwarna jingga dan kelabu
- NADIMAH 5) Pokok-pokoknya pula seperti pokok sirih dan daunnya hanya sebesar wang lima sen...
- SAHLAN 6) Bagaimana pokok-pokok ini boleh tumbuh di planet Marikh? Setahu Sahlan, di planet itu tiada oksigen dan air...
- NADIMAH 7) Begitulah kebijaksanaan para saintis. Lambat-laun manusia pun boleh menghuni di planet Marikh. Kalaulah tumbuh-tumbuhan boleh hidup di sana, tentulah manusia juga dapat menetap di situ pada suatu masa nanti.
- SAHLAN 8) (TERKEJUT) Kak...lihat kak! Pokok ini tiba-tiba layu, kenapa kak?
- NADIMAH 9) Ya Sahlan, pokok ini tiba-tiba layu. Mungkin alat hawa dingin di bilik pameran ini rosak dan pokok ini tidak tahan dalam suhu yang panas begini.....
- SAHLAN 10) Kalau begitu...biar Sahlan memberitahu pegawai yang menjaga bilik pameran ini.....
- NADIMAH 11) Tunggu Sahlan..... lihat, batu-batu kecil itu cair dan cecair daripada batu itu mengalir ke arah pokok ini....
- SOUND EFFECT BUNYI KACA TEMPAT PAMERAN PECAH.
- GRAM BRING UP SUSPENCE MUSIC.... UNDER.....FADE OUT.



- NADIMAH 12) Lari Sahlan.....lari! Pokok-pokok ini tiba-tiba membesar dan memecahkan kaca pameran.....lari Sahlan!
- SAHLAN 13) Kak...!
- NADIMAH 14) Pegang tangan kakak kuat-kuat.....Mari kita keluar dari Pusat Sains ini....
- SOUND EFFECT BUNYI TAPAK KAKI BERLARI
- GRAM BRING UP MUSIC.....UNDER .....FADE OUT.
- NARRATOR 15) Ya murid-murid.... pokok dari planet itu tiba-tiba membesar. Daunnya yang selebar duit lima sen tadi menjadi selebar dulang. Akar-akarnya yang sebesar paha manusia menjalar-jalar sehingga keluar dan bangunan Pusat Sains itu. Lima minit kemudian, seluruh bangunan itu telah dilitupi oleh pokok itu. Beberapa orang yang berada di situ telah dibelit oleh akar-akar pokok itu. Suara jeritan mangsa pokok itu sangat memilukan hati.
- SPOT EFFECT SUARA ORANG MEMEKIK MEMINTA TOLONG YANG MENGHIRIS PERASAAN
- SAHLAN 16) (TERMENGAH-MENGAH SELEPAS BERLARI) Kak... apa yang kita nak buat kak?
- NADIMAH 17) Ya Lan.... .kita tak boleh tercegat di sini sahaja. Mari kita telefon polis.
- SAHLAN 18) Ya...kak, di situ ada pondok telefon....
- NADIMAH 19) Mari.....



GRAM

BRING UP MUSIC..... UNDER..... FADE OUT.

NARRATOR

20) Tidak berapa lama kemudian, beberapa buah kereta ronda polis tiba. Mereka cuba menebang pokok yang menjalar itu dengan kapak. Tetapi setiap kali pokok itu ditebang, beberapa pucuk baru tumbuh dan membesar serta-merta. Akhirnya pihak polis memberhentikan usaha mereka. Mereka hanya mengawal orang-orang yang cuba melarikan diri daripada kawasan itu.

SAHLAN

21) Kak....Sahlan takut kak! Marilah kita pulang kak!

NADIMAH

22) Bagaimana kita nak balik... lihat di jalan raya itu, tiada sebuah kenderaan pun!

SAHLAN

23) Kalau begitu...marilah kita beredar dari sini kak!

NADIMAH

24) Lan.. . tunggulah sebentar lagi.....Kakak nak saksikan bagaimana pasukan keselamatan negara kita mengatasi masalah ini....

SAHLAN

25) Kak....

NADIMAH

26) Adik kakak ni penakutlah.... (PUJUK) Lan... Lan.. tak usah khuatir.... kita berada kira-kira 100 meter dari kawasan itu...

SOUND EFFECT

BUNYI KERETA BOMBA TIBA

NADIMAH

27) Lan...lihatlah Lan, kereta bomba dan tentera tiba....

SAHLAN

28) Apa yang pihak bomba hendak lakukan, kak?



- NADIMAH 29) Mungkin pihak bomba hendak memancutkan air ke arah pokok itu supaya pokok-pokok itu tidak menjalar.....
- SAHLAN 30) Kalau mereka sembur air... tentulah pokok-pokok itu akan bertambah subur...
- NADIMAH 31) Mungkin air itu telah dicampurkan dengan bahan-bahan kimia yang lain...
- SAHLAN 32) Kak...nampaknya pihak bomba tidak berjaya kak! Pokok-pokok itu terus menjalar.... Marilah kita berundur ke belakang lagi....
- LEFTENAN KASIM 33) (MELALUI PEMBESAR SUARA AGAK JAUH)  
Pengumuman.. Pengumuman....Orang ramai dinasihatkan supaya beredar dari kawasan ini. Saya ulangi...Orang ramai dikehendaki beredar dari kawasan ini dengan segera....Kamu bolehlah menaiki kenderaan tentera yang kami sediakan.....
- NADIMAH 34) Lan.... suara orang yang membuat pengumuman itu seperti suara ayah...
- SAHLAN 35) Itu pun ayah, kak... Marilah kita dapatkan ayah!
- GRAM BRING UP MUSIC..... UNDER..... FADE OUT.
- LEFTENAN KASIM 36) Nadimah....Sahlan.... apa kamu buat di sini?
- NADIMAH 37) Tadi... kami menyaksikan bahan-bahan pameran itu.. ayah!



- LT. KASIM 38) Mengikut laporan yang ayah terima..... dua orang kanak-kanak, seorang lelaki dan seorang lagi perempuan menjadi punca pokok ini menjalar....Benarkah kamu yang memecahkan almari pameran itu?
- NADIMAH 39) Tidak ayah... kami tidak lakukan perbuatan itu..... Pokok itu membesar dengan sendirinya kerana terkena cecair daripada batu planet marikh.....
- LT. KASIM 40) Benarkah begitu.....
- SAHLAN 41) Benar ayah... .kami tidak berbohong....
- LT. KASIM 42) Kalau begitu, legalah hati ayah..... nampaknya laporan awal itu tidak benar..... Sekarang, ayah mahu kamu pulang ke rumah....ibumu tentu risau menantikan kamu berdua....
- NADIMAH 43) Tapi....bagaimana kami hendak pulang?
- LT. KASIM 44) Begini....(MENANGGIL) Sarjan Omar...
- SGT. OMAR 45) Leftenan....
- LT. KASIM 46) Tolong hantar anak-anak saya ini ke stesen MRT yang tidak jauh dari sini.....
- SGT. OMAR 47) Leftenan. . . semua kenderaan tentera telah digunakan, untuk mengangkut orang ramai....
- LT. KASIM 48) Kalau begitu, kamu berdua tunggu di sini sehingga ada Kenderaan..... faham!

GRAM BRING UP MUSIC..... UNDER..... FADEOUT.



- NARRATOR 49) Ya, murid-murid.....Dari situ, Nadimah dan Sahlan berpeluang menyaksikan usaha pihak tentera hendak memusnahkan pokok menjalar itu. Mereka telah menggunakan senjata yang boleh menyemburkan api, racun tanaman, malah bahan peletup tetapi hasilnya menghampakan. Sedang pasukan keselamatan mencari jalan mengatasi bencana yang tidak disangka-sangka ini, tiba-tiba hujan turun dengan lebatnya. Pokok yang membahayakan itu semakin subur. Pucuk-pucuk baru tumbuh dengan pesatnya dan menjalar-jalar hingga meliputi dua kilometer dari bangunan Pusat Sains itu. Penduduk yang tinggal di sekitar kawasan itu telah dipindahkan ke tempat yang selamat. Begitu juga Nadimah dan Sahlan. Mereka melarikan diri daripada bencana yang tidak dapat dikawal lagi.
- SAHLAN 50) (TERMENGAH-MENGAH) Kak, Lan penat kak.....
- NADIMAH 51) (TERMENGAH-MENGAH JUGA) Lan.... terus lari, jangan berhenti.... Lihat dik, pucuk-pucuk pokok itu menjalar-jalar seperti mengejar kita.
- SAHLAN 52) (MASIH TERMENGAH) Kak... .Bagaimana nasib kita, kak? Mana ayah kak?
- NADIMAH 53) Lan...lari Lan..... pucuk pokok itu hanya sejarak lima meter dari kita...
- SAHLAN 54) Kak....bagaimana kita nak lari lagi, kak..... di depan kita laut..... Kita terperangkap, kak!
- NADIMAH 55) Cepat Lan... .kita naik ke atas sampan yang sedang tenambat di situ....Cepat...Lan!
- SAHLAN 56) (MENJERIT) Kak...Lan jatuh....tolong Lan, kak!



GRAM	BRING UP SUSPENCE MUSIC..... UNDER .....FADE OUT.
SOUND EFFECT	BUNYI ORANG MENGHARUNG AIR DAN JATUH
NADIMAH	57) Cepat bangun Lan... segera terjun ke dalam laut dan berenang ke arah sampan itu
SAHLAN	58) Tolong kak....Lan sudah tidak berdaya lagi
NADIMAH	59) Sahlan..... (BERKATA SENDIRI) Tidak..... tidak! Aku tidak harus tinggalkan adikku menjadi mangsa pokok menjalar itu.... biar aku mati bersama-sama dengan adikku! (MENJERIT) Sahlan....!
SOUND EFFECT	BUNYI ORANG NENGUARUNG AIR
SAHLAN	60) (MENJERIT) Kak....pokok ini membelit Lan.....
NADIMAH	61) Lan.....
SAHLAN	62) Kak....pergi, kak..... selamatkan diri kakak.....
NADIMAH	63) Tidak Lan.....biar kakak mati bersama kau..... (KEHAIRANAN) Ehhhh.....mengapa pokok ini tidak membelit aku.....dan mengapa pokok itu melepaskan adikku....
SAHLAN	64) Kak....!
NADIMAH	65) Lan.... .kau tidak cedera?



- SAHLAN 66) Luka sedikit, kak..... Kak... lihat, pucuk pokok itu tiba-tiba layu....
- NADIMAH 67) Kakak pun berasa pelik juga... .Mungkin....!
- SAHLAN 68) Mungkin apa kak?
- NADIMAH 69) Mungkin pokok ini tidak boleh terkena air masin..... Sewaktu kakak cuba selamatkan Lan, tadi.....pucuk pokok itu tidak membelit kakak. Mungkin tubuh kakak dibasahi dengan air laut.....
- SAHLAN 70) Kalau begitu.....mari kita cuba, kak.....kita renjiskan air laut ke arah pokok-pokok itu.....
- NADIMAH 71) Ya...Lan, mari kita cuba....Kau pergi ambil gayung di dalam sampan itu dan isikan dengan air laut.
- SAHLAN 72) Baik...kak!
- GRAM BRING UP MUSIC..... UNDER..... FADEOUT.
- NARRATOR 73) Ya, murid-murid... benar sangkaan mereka berdua itu. Pucuk-pucuk pokok itu menjadi layu apabila terkena air laut. Mereka terus merenjis dan merenjis sehinggalah mereka bertemu dengan ayah mereka, Leftenan Kasim yang tidak putus asa mencari mereka. Nadimah segera memberitahu ayahnya cara hendak memusnahkan pokok itu. Leftenan Kasim pun menghubungi markasnya. Dan tidak lama kemudian, sebuah helikopter tiba. Leftenan Kasim memerintahkan askar-askarnya mengambil air laut dan mencurahkan ke atas pokok dengan menggunakan helikopter. Nadimah dan Sahlan turut menaiki helikopter itu dan menyaksikan operasi memusnahkan pokok tersebut. Akhirnya pokok itu dapat dimusnahkan.



GRAM BRING UP MUSIC..... UNDER .....FADEOUT.

NARRATOR 74) Demikianlah murid-murid, cerita ‘TAMATNYA SATU BENCANA’ Jasa Nadimah dan adiknya; Sahlan tidak dilupakan begitu sahaja. Mereka telah dkurniakan pingat bakti negara sempena hari kanak-kanak sedunia. Semoga kamu akan mencontohi sikap mereka berdua. Sekian....sehingga bertemu dengan cerita yang lain, rajin-rajinalah belajar...

GRAM BRING UP THEME MUSIC..... UNDER..... FADE OUT

TAMAT

mohamed naim daipi  
4 Julai 1986.



# **TAMATNYA SATU BENCANA**

---

## **SOALAN-SOALAN KEFAHAMAN**

Murid-murid.....kamu telah mendengar cerita ‘Tamatnya Satu Bencana’. Sekarang, cuba kamu jawab soalan-soalan yang akan saya ajukan ini:

- soalan pertama            Di manakah Nadimah dan Sahlan menyaksikan pameran itu?
- soalan kedua            Bagaimanakah bentuk pokok dan planet marikh seperti yang dilihat oleh mereka di almari pameran itu?
- soalan ketiga            Bagaimana pokok itu boleh membesar dan menjalar-jalar dengan sekelip mata?
- soalan keempat           Apakah yang diusahakan oleh pihak polis untuk memusnahkan pokok yang membahaya itu?
- soalan kelima            Mengapa pokok itu semakin meliar sehingga meliputi kawasan dua kilometer dari bangunan Pusat Sains itu?

## **SOALAN-SOALAN PETIKAN DIALOG**

sekarang cuba kanu dengar petikan dialog ini, kemudian jawab soalan-soalan yang akan saya kemukakan nanti.

- soalan keenam            dengar dialog ini
- Kak... lihat kak! pokok ini tiba-tiba layu....kenapa kak? (RUJUK WAWANKATA 8)
- Apakah jawapan kakak kepada pertanyaan yang kamu dengar tadi?



soalan ketujuh

dengar dialog ini pula:

Pegang tangan kakak kuat-kuat.. .mari kita keluar dari pusat sains ini (RUJUK WAWANKATA 14)

Mengapa mereka hendak keluar dari Pusat Sains itu dengan serta-merta?

soalan kelapan

dengar petikan dialog ini:

Lan tunggulah sebentar lagi (RUJUK WAWANKATA 24)

Mengapakah Nadimah berkata demikian kepada Sahlan?

soalan kesembilan

dengar petikan dialog ini pula:

Benar ayah....kami tidak berbohong...(RUJUK WAWANKATA 41)

Mengapa Sahlan berkata begitu kepada ayahnya?

soalan kesepuluh

dengar dialog ini:

Tidak Lan... .biar kakak mati bersama kau! (RUJUK DIALOG 63)

Mengapa Nadimah berkata demikian?

